



ZIMBABWE SCHOOL EXAMINATIONS COUNCIL
General Certificate of Education Advanced Level

NDEBELE LANGUAGE
PAPER 2

6055/2

NOVEMBER 2022 SESSION

3 hours

Additional materials:
Answer paper

ISIKHATHI: Amahola amathathu

IZIXWAYISO KWABAHLOLWAYO

Bhalela izimpendulo zakho emaphepheni okubhalela owaphiweyo.

Bhala ibizo lakho, inombolo yendawo ohlolelwa kuyo lenombolo yakho wena ohlolwayo ezikheleni oziphiweyo ephepheni lakho lezimpendulo/ebhukwaneni lezimpendulo.

Phendula imibuzo **emihlanu**.

Phendula imibuzo **ibe mibili** eyeSigaba I, leminyane njalo **emibili** eyeSigaba II lowodwa kuSigaba III.

Uma usebenzise amaphepha amabili kumbe adlulayo, **abophele ndawonye**.

IZELULEKO KWABAHLOLWAYO

Imiklomelo ephiwa umbuzo munye ngamunye kumbe ingxenye yombuzo itshengisiwe ezibayeni [] ekucineni kombuzo.

Umhloliso lo ubhalelwe emakhasini amahlanu, amathathu awabhalwanga lutho.

Copyright: Zimbabwe School Examinations Council, N2022.

ISIGABA I

(UHLELO – 40 marks)

Phendula imibuzo **emibili** kuphela kulesi isigaba.

- 1** Funda isicaphuno esilandelayo bese-ke uphendula imibuzo engaphansi kwaso.
- Isimanga esenzeke ekuseni singiqede amathe. Ukhame inkukhu yesikolo wayiphosela emgodleni wakhe. Usithe lwazi ngelihlo elibi sahle sathi sithe.
- (a) Khetha amagama ayizikhanyiso uveze imihlobo yazo. [5]
- (b) Chaza ukwakhiwa kwelinye lelinye lalawo magama. [15]
- 2** Funda okulandelayo ngokuchophelela okukhulu ube usuphendula imibuzo engaphansi.
- (a) Angifuni ukuthi ngibulawe yi-AIDS ngenxa yakho.
- (b) Abathengisi babezondakala ngesikhathi sempa.
- (c) UJabulani wafunga wathi empilweni kaphindi aye eGoli.
- (d) Ngicela ungithengele isigqoko sekhisimusi baba.
- (i) Abizwa athiweni amagama abhalwe ngamabala amakhulu linye ngalinye? [5]
- (ii) Enza msebenzi bani emitshweni engaphezulu linye ngalinye? [5]
- (iii) Cuya amagama la utshengise uphinde uqambe iziqa ezibumba igama linye ngalinye. [10]
- 3** Funda imibuzo le ngokuchophelela ube usuyiphendula unanzelela izidingo zayo zonke.
- (a) Yakha izibanjalo ezinhlanu ngezincezu zenkulumo ezilandelayo.
- (i) lona
- (ii) obanzi
- (iii) ekhaya
- (iv) amandla
- (v) ukuthi [5]
- (b) Chaza ngokupheleleyo ukuba uzakhe njani izibanjalo lezo eziphezulu. [10]
- (c) Zilandule zonke izibanjalo ozakhileyo. [5]

- 4 Bala ngonanzelelo imitsho engaphansi uphendule imibuzo ngayo.
- (a) Ngizwe intombi **ehlabelela kamnandi** ngile emgwaqweni.
 - (b) Uthe ufuna izinja **ziphi**?
 - (c) Ugogo yena uyabathanda abazukulu bakhe.
 - (d) Abafana laba **bahlutshwa** ngumzwangedwa.
 - (e) Biza lesiya isalukazi **esingesifitshane** sizongethulela ingubo.
 - (i) Ayini amagama abhalwe ngamabala amakhulu linye ngalinye? [5]
 - (ii) Chasisa ngokugcweleyo ukuthi akhiwe njani. [15]

ISIGABA II

(ULIMI LOMUMO – 40 marks)

Phendula imibuzo **emibili** kulesi isigaba.

- 5 “Umntwana uthi usekhulile. Usefuna ukuzihambela lelizwe”
- (a) Kwakube kutheni kukhulunywa lamazwi? [2]
 - (b) Landa ingqubo yokwakusenziwa kusehlakalo esiku (a) phezulu. [8]
 - (c) “Kunganjani uhambele ngapha dadewethu”?
Ngubani owatshoyo lamazwi, ewatsho ngoba kutheni? [2]
 - (d) Manyathelo bani ayelandelwa ngemva kwenkulumo le? [8]
- 6 Kulemikhuba ephathelane lokufa eyayisenziwa lelokhu isenziwa ngamaNdebele.
- (a) Qamba imikhuba emine. [4]
 - (b) Khetha emibili koyiqambe phezulu ulandise ngokuqhutshwa kwayo, uveza loncedo lwayo. [16]

- 7 Okhalelayo: Zizezawuthath' umvundlan'owodwa
 Abavumayo: Yeha... Yelele
 Okhalelayo: Namuhla ziwuthethe
 Abavumayo: Yeha... Yelele
- (a) Yayihlatshelwa kutheni ingoma le? [2]
 (b) Landisa ngemicimbicimbi eyayiqhutshwa lapho kusenziwa lelosiko. [18]
- 8 Babamkhulu zibani, nanku umbiko esikubikela wona, sizobika umuzi kasibanyana. Bikela ubaba ukuba umzukulu wakhe usibanyana uselomuzi.
- (a) Ngubani owayebika lapha njalo ubikelani? [6]
 (b) Landisa okwakusenziwa lapho kuqhutshwa umkhuba wokubika umuzi. [14]

ISIGABA III

(ISIFINQO – 20 marks)

- 9 Finqa indaba le ibe ngamabala alikhulu uveze izizatho zikaStephen ezokwala uNaomi njalo uphawule ukuba umayibala lincwadi uyamukela njani. [20]

Ngayidobha incwadi yesibili ngayibala:

Mberengwa Council
 Chingezi Township Office
 P.O. Box 1950
 Mberengwa
 20 Zibandlela1972

Naomi

Kunjalo sibili. Kunjalo ukuthi ubhalele umuntu ongafuni ukuphendula incwadi zakhe. Kunjalo ukuthanda umuntu yena engakuthandi. Kubuhlungu ukulala ukhangele ubusuku bonke ucabanga ngomuntu ongakhathali lutho ngawe. Ngakukhanuka, ngehlisa inyembezi, ngiyindoda ezami azizange ziphelele esifubeni. Ngakhangela incwadi zakho ngaziswela, ngadela. Uthi ungiyekele ngisebuhlungwini nginjalo ubusuthutsha lendaba ethi mina sengikweqise isikhathi! A-a-a! lokhu kungavunywa ngongahlakaniphanga.

Impendulo yokuthi ngubani okonileyo ayilaqiniso. Mina ngokwami ngikhatshana lakho, uvele ungixekele. Sekugijimela ingxenye yomnyaka singazange sibonane, ngalesi isikhathi zinengi ezingabe zenzakele. Angazi ukuthi kuyini okwenza ungikhumbule khathesi, mhlawumbe yikuthi uzibona usuphakathi kodubo. Isifu lesu esikuweleyo asithiywanga yimi. Wathi usadla umhlaba lamajaha akho kwakhanya angathi kangikho. Uthi ngiyisihlengi sokuntshezela kiso nxa usubona amanzi esefuna ukukuginya?

Uxolo Naomi, laduma ledlula. Umhlaba uzakuhlaba wazi abanye abantu. Ungangithathi njengephepha eliphethshulwa ngumoya. Ungizwe kuhle ngoba engikutsho lapha kuphuma enhliziyweni yami. Angingeke ngikuthathe futhi angifisi lokukuthatha; izizatho zami yilezi:

1. Abazali bami ngamakholwa abangeke bavume ukuthi ngithathe umfazi olomntwana ongelayise. Phezu kwalokho umntwana lo kasuwami.
2. Njengoba ngilizibulo ngakithi kumele ngibe yisibonelo kwabancane, ngihlanganiswe ngumfundisi emtshadweni ongcwele. Yiliphi ibandla elingasihlanganisa?
3. Ukuthatha umfazi ophansi kulami ngezifundo angikukhwabithi lakancane. Ngifuna umfazi esizalingana ngemfundo khona sizazwana singayangeki ebantwini.
4. Ngilomnyaka owodwa nje ngisebenza. Ngaleyondlela angikaqoqi lutho. Angikho kusimo sokugcina umfazi, pho ukudla kwemuli, izigqoko zakho, okomntwana lokhu lalokhuyana ngingacaka ngife isikhathi sami singakafiki.
5. Angilandlu ekhaya. Ngihlala exhibeni labafana. Imali yokwakha indlu ayikho.
6. Angiyazi impilo yakho, lawe eyami awuyazi. Mhlawumbe ulivila angikwazi. Engxenyephathisa izikhova ebusuku angikwazi. Lawe abakithi ukuthi ngabantu abanjani awubazi.
7. Nxa ngisizwa ngoyihlo kubonakala kamlhlophe ukuthi ngingeke ngaba ngumkhwenyana amfisayo. Ukugcine ukhula angathi uzakugana lakusasa. Nxa kulomuntu okumele uphakamisele amehlo akho kuye ucele usizo, nguye.

Naomi, le yincwadi yami yokucina kuwe. Uyibale uyitshise njengezinye othi wazitshisa. Uyitshise ukhohlwe lokuthi uyangazi.

Okwethu sekufana lamanzi agelezayo athi angedlula ehle, angaphindi aqanse abuyele emuva.

Sala kuhle sithandwa sami sakudala, wena owangilahla ngisakuthanda. Ngikufisela inhlanhla empilweni yakho lomkakho.

Yimi
uStephen Sixolo

Umuntu nxa ekutshaye ngenqindi kubuhlungu, kodwa ubuhlungu benhliziyo buphambili. Ngayibeka phansi incwadi le ngasukuma ngaphuma endlini ngiqonda empumalanga. Umoya wantambama wangiphephetha kamnandi uthoba ithuthuva elalisemoyeni wami. Ngahamba ngicabanga ngibhala incwadi kaStephen ekhanda. Impela ujaha wayengiphoxele umntakamama.

Ithethwe kugwalo oluthi "Umhlaba" – olulotshwe Casper S.J. Nyoni, Longman, Zimbabwe (Pvt) Limited, 1997.